



XUNTA  
DE GALICIA

CONSELLERÍA DE EDUCACIÓN,  
CIENCIA, UNIVERSIDADES E  
FORMACIÓN PROFESIONAL

# Código ético GaliciaSkills



## Índice

1.	Código ético.....	3
1.1.	Obxectivo	3
1.2.	Ámbito de aplicación	3
2.	Principios básicos e valores.....	3
2.2.	Integridade	3
2.3.	Transparencia	3
2.4.	Xustiza	3
2.5.	Cooperación	4
2.6.	Innovación	4
3.	Saúde e seguridade.....	4
4.	Liderado.....	4
4.1.	Compromiso cos valores	4
4.2.	Cultura do cumprimento	4
4.3.	Confidencialidade	4
5.	Implementación e cumprimento do Código ético.....	5
5.1.	Implementación do Código ético	5
5.2.	Cumprimento do Código ético	5
5.3.	Consecuencias do incumprimento do Código ético	5

## 1. Código ético

### 1.1. Obxectivo

O obxectivo deste Código ético, adaptado do que rexe o Campionato Estatal de Formación Profesional Spainskills, é servir de guía para a conduta e toma de decisións do Campionato Galego de Formación Profesional Galiciaskills.

### 1.2. Ámbito de aplicación

Este Código ético está dirixido a todas as partes implicadas na organización, desenvolvemento e avaliación de Galiciaskills, considerando como partes interesadas:

- As persoas competidoras.
- As persoas titoras dos competidores.
- As persoas que compoñen os xurados.
- Os patrocinadores da competición.
- As entidades e/ou persoas que colaboren en calquera actividade relacionada.

## 2. Principios básicos e valores

Este Código ético establece os principios, valores e normas que guían o comportamento, as decisións e os procedementos de Galiciaskills, tendo en conta as necesidades de todas as partes interesadas, e respectando os dereitos de todas as persoas e organizacións afectadas polas actividades involucradas na competición.

### 2.1. Valores

Os valores fundamentais que rexen a competición de Galiciaskills, en liña cos valores asumidos pola competición nacional, son:

- Integridade.
- Transparencia.
- Xustiza.
- Cooperación.
- Innovación.

### 2.2. Integridade

Galiciaskills é un campionato aberto, honesto e digno de confianza no trato con todos e, en especial, coas organizacións e as persoas coas que traballa.

### 2.3. Transparencia

Ningún membro da organización ou colaborador pode estar involucrado en actividades que entren en conflito cos intereses de Galiciaskills.

### 2.4. Xustiza

As decisións derivadas do desenvolvemento das actividades de Galiciaskills basearanse no principio de mérito e igualdade de oportunidades.

Durante a competición seguirase o procedemento de resolución de conflitos establecido nas Normas de competición Galiciaskills.

## **2.5. Cooperación**

Galiciaskills promove un ambiente inclusivo, aberto a cambios e a novas ideas, desde o respecto pola persoa e o fomento da igualdade de oportunidades para alcanzar o éxito.

Toda persoa implicada debe respectar ás persoas coas que traballa e as súas diferentes culturas. O campionato non tolera ningunha forma de acoso, xa sexa sexual, físico ou mental.

## **2.6. Innovación**

Galiciaskills procura adoptar actitudes innovadoras para minimizar os efectos nocivos das súas actividades sobre o medio ambiente e os recursos naturais. Ademais, esfórzase en que as innovacións promovidas sexan sustentables económica e ecoloxicamente para garantir a súa viabilidade.

# **3. Saúde e seguridade**

O campionato prioriza unha contorna segura e saudable para todos, que non pon en perigo a saúde ou a seguridade de ninguén.

Todos os participantes adhírense ás regulacións sobre seguridade e saúde vixentes na Comunidade Autónoma de Galicia, así como ás regulacións aplicables ao desenvolvemento de cada modalidade de competición en particular.

# **4. Liderado**

## **4.1. Compromiso cos valores**

Os membros do Comité organizador e os Xurados das modalidades de competición comprométese a promover e apoiar os valores e principios recollidos neste Código ético de Galiciaskills e a demostrar este compromiso coas súas accións.

## **4.2. Cultura do cumprimento**

Espérase e valórase que todas as persoas implicadas na organización e desenvolvemento do campionato promovan un ambiente de cumprimento das normas.

## **4.3. Confidencialidade**

Non se divulgará información recibida con carácter confidencial. Ninguén difundirá información para ganancia ou beneficio persoal, ou para danar a reputación de persoas e organizacións.



## **5. Implementación e cumprimento do Código ético**

### **5.1. Implementación do Código ético**

O Comité organizador de Galiciaskills é o responsable da implementación e xestión do Código ético na organización e entre os seus colaboradores.

### **5.2. Cumprimento do Código ético**

Os órganos persoais e colexiados que participan na preparación e o desenvolvemento da competición teñen a responsabilidade de cumprir e facer cumprir este Código ético.

### **5.3. Consecuencias do incumprimento do Código ético**

As persoas que infrinxan o presente Código ético serán obxecto das medidas disciplinarias acordadas ao incumprimento das condicións acordadas.